





古文奇賞卷之六

古吳陳仁錫選評

仁和郎奎金重訂

西漢應制之文

公孫弘答武帝冊書

武

愚臣淺薄安敢比材於周公雖然愚心曉然見治道
之可以然也夫虎豹馬牛禽獸之不可制者也及其
教馴服習之至可牽持駕服唯人之從臣聳操曲木
者不累日銷金石者不累月夫人之於利害好惡豈
比禽獸木石之類哉昔年而變臣弘尚竊遲之帝問人稱
周公之治弘之材能
自是孰與周公賢

東方朔化民有道對

能莊語君
此

堯舜禹湯文武成康上古之事經歷數千載尚難言也。臣不敢陳願近述孝文皇帝之時當世耆老皆聞見之。貴爲天子富有四海身衣弋綈足履革舄以韋帶劒莞蒲爲席兵木亡刃衣縕亡文集亡書囊以爲殿帷以道德爲麗以仁義爲準於是天下望風成俗昭然化之。今陛下以城中爲小圖起建章左鳳闕右神明號稱千門萬戶木土衣綺繡狗馬被繡罽宮人簪璫珥垂璣珠設戲車教馳逐飾文采叢珍怪撞萬石之鐘擊雷霆之鼓作俳優舞鄭女上爲淫侈如此。

二部賢經
論語

而欲使民獨不奢侈失農事之難者也。陛下誠能用臣朔之計，推甲乙之帳，燔之於四通之衢，却走馬，示不復用，則堯舜之隆，宜可與比治矣。易曰：正其本，萬事理失之毫釐，差以千里。願陛下留意察之。

東方朔劇武帝對

自唐虞之隆，成康之際，未足以諭當世。臣伏觀陛下功德，陳五帝之上，在三王之右，非若此而已。誠得天下賢士公卿在位，咸得其人矣。譬若以周召爲丞相，孔丘爲御史大夫，太公爲將軍，畢公高拾遺於後，弁嚴子爲衛尉，臯陶爲大理，后稷爲司農，中爲少府。

仕竟

不可六所
之人

子贛使外國。顏閔爲博士。子夏爲太常。右伏風。
季路爲執金吾。契爲鴻臚。龍逢爲宗正。伯夷爲京兆。
管仲爲馮翊。魯般爲將作。仲山甫爲光祿。申伯爲太
僕。延陵季子爲水衡。百里奚爲典屬國。柳下惠爲太
長秋。史魚爲司直。蘧伯玉爲太傅。孔父爲詹事。孫叔
敖爲諸侯相。子產爲郡守。王慶忌爲期門。夏育爲鼎
官。羿爲旄頭。宋萬爲式道侯。對

東方朔劇羣臣

臣觀其齒牙樹頰。舌吐脣吻。擢項頤結。股脚連脰。
尾造蛇其迹。行步偶旅。臣朔雖不肖。尙兼此數子者。

遷世於朝

縱筆寫去
皆不專繩
削而奇氣
日躍如○
臣聞鄒子
王和之至
也太史公
削之

東方朔伯夷叔齊對

臣聞賢者居世與之推移不凝滯於物彼何不升其
堂飲其漿泛泛如水中之鳧與波俱遊天子轂下可
以隱居何自苦於首陽上喟然句奇

嚴安言世務書

臣聞鄒子曰政教文質者所以云救也當時則用過
則舍之有易則易之故守一而不變者未睹治之至
也今天下人民用財侈靡車馬衣裘宮室皆競修飾
調五聲使有節族雜五色使有文章重五味方丈於
前以觀欲天下彼民之情見美則願之見孝民以侈

也侈而亡節則不可贍民離本而徼末矣不可徒
得故縉紳者不憚爲詐帶劍者夸殺人以矯奪而世
不知媿故奸軌浸長夫佳麗珍怪固順於耳目故養
失而泰樂失而淫禮失而采教失而僞僞采淫泰非
所以範民之道也是以天下人民逐利亡已犯法者
衆臣願爲民制度以防其淫使貧富不相耀以和其
心○心○既○和○平○其○性○恬○安○恬○安○不○營○則○盜○賊○銷○盜○賊○銷○
則刑罰少刑罰少則陰陽和四時正風雨時艸木暢
茂五穀蕃熟六畜遂字民不夭厲和之至也臣耆周
有天下其治三百餘歲成康其隆也刑措四十餘年

而不用及其衰也亦三百餘年故五伯更起五伯者
嘗佐天子興利除害誅暴禁邪匡正海內以尊天子
五伯旣沒賢聖莫續天子孤弱號令不行諸侯恣行
強陵弱衆暴寡田常篡齊六卿分晉並爲戰國此民
之始苦也於是彊國務攻弱國修守合從連衡馳車
轂擊介冑生蟣蝨民亡所告愬及至秦王蠶食天下
并吞戰國稱號皇帝一海內之政懷諸侯之城銷其
兵鑄以爲鍾虞示不復用元元黎民得免於戰國逢
明、天、子、人、人、自、以、爲、更、生、鄉、使、秦、緩、刑、罰、薄、賦、歛、省、
繇、役、貴、仁、義、殘、權、利、上、篤、厚、下、佞、巧、變、風、易、俗、化、於、

海內則世世必安矣秦不行是風而修其故俗爲智
巧權利者進篤厚忠正者退法嚴政峻譎諛者衆日
聞其美意廣心軌欲肆威海外乃使蒙恬將兵以北
攻胡辟地進境戍於北河飛芻輓粟以隨其後又使
尉佗屠睢將樓船之士攻越使監祿鑿渠運糧深入
越越人遁逃曠日持久糧食乏絕越人擊之秦兵大
敗秦乃使尉佗將卒以戍越當是時秦禍北構於胡
南挂於越宿兵無用之地進而不得退行十餘年丁
男被甲丁女轉輸苦不聊生自經於道樹死者相望
及秦皇帝崩天下大畔陳勝吳廣舉陳武臣張耳舉

趙項梁舉吳田儋舉齊景駒舉郢周市舉魏韓廣舉
燕窮山通谷豪士並起不可勝載也然本皆非公侯
之後非長官之吏也亡尺寸之執起閭巷杖棘矜應
時而皆動不謀而俱起不約而同會壤長地進于乎
伯玉肯教使然也秦貴爲天子富有天下滅世絕祀
蘇明允審勢本此者窮兵之禍也故周失之弱秦失之強不變之患也
今欲招南夷朝夜郎降羌僰略葭州建城邑深入伺
奴燔其龍城議者美之此人臣之利非天下之長策
也。今中國亡狗吠之警而外累於遠方之備靡敝國
家非所以子民也行亡窮之欲甘心快意結怨於匈

如非所以安邊也。禍結而不解，兵休而復起。近者愁苦，遠者驚駭，非所以持久之也。今天下鍛甲砥劍，矯箭控弦，轉輸軍糧，未見休時。此天下所共憂也。夫兵久而變起，事煩而慮生。今外郡之地，或幾千里，列城數十。

夜闌

形束壤制，芴脇諸侯，非公室之利也。上觀齊晉之所以亡者，公室卑削，六卿大盛也。下覽秦之所以滅者，嚴法刻深，欲大無窮也。今郡守之權，非特六卿之

如此

可見賈生之文，當日誦法

重也。地幾千里，非特閭巷之資也。甲兵器械，非特棘矜之用也。以遭萬世之變，則不可稱諱也。

徐樂文大率本過秦

論來西漢人亦尚蹈襲可異也

京房考功課吏對

元

公卿大夫
不信陰陽
薄而小之
此陽朔初
詔也

帝釋女囚
詔睦族詔
出後宮詔
似可有為
故策中答
孫傳焉

古帝王以功舉賢則萬化成瑞應著末世以毀譽取人故功業廢而致災異宜令百官各試其功災異可息

申屠剛賢良策

平

臣聞王事失則神祇怨怒奸邪亂正故陰陽謬錯此天所以譴告王者欲令失道之君曠然覺悟懷邪之臣懼然自刺者也今朝廷不考功校德而虛納毀譽數下詔書張設重法抑斷誹謗禁割論議罪之重者奏秦乃至腰斬傷忠臣之情挫直士之銳殆乖建進善之

旌縣敢諫之鼓。闢四門之路。明四目之義也。臣聿成
王。幼少。周公攝政。聽言下賢。均權布寵。亡舊亡新。唯
仁是親。動順天地。舉措不失。然近則召公不悅。遠則
四國流言。夫子母之性。天道至親。今聖主幼少。始免
襁褓。卽位以來。至親分離。外戚杜隔。恩不得通。且漢
家之制。雖任英賢。猶援姻戚。親疏相錯。杜塞間隙。誠
所以安宗廟。重社稷也。今馮衛亡辜。久廢不錄。或處
窮僻。不若民庶。誠非慈愛。忠孝承上之意。夫爲人後
者。自有正義。至尊至卑。其執不嫌。是以人亡賢愚。莫
不怨。奸臣賊子。以之爲便。不諱之變。誠難其處。今之

伊。傳。非。古。之。周。公。周。公。至。聖。猶。尚。有。累。何。況。事。失。其。
衷。不。合。天。心。者。哉。昔。周。公。先。遣。伯。禽。守。封。於。魯。以。義。
割。恩。寵。不。加。後。故。配。天。郊。祀。三。十。餘。世。霍。光。秉。政。輔。
翼。少。主。修。善。進。士。名。爲。忠。直。而。尊。其。宗。黨。擢。抑。外。戚。
結。貴。據。權。至。堅。至。固。終。沒。之。後。受。禍。滅。門。方。今。師。傳。
皆。以。伊。周。之。位。據。賢。保。之。任。以。此。思。危。則。功。何。不。至。
不。思。其。危。則。禍。何。不。到。損。益。之。際。孔。父。攸。歎。持。滿。之。
戒。老。氏。所。慎。蓋。功。冠。天。下。者。不。安。威。振。人。主。者。不。全。
今。承。衰。亂。之。後。繼。重。敝。之。世。公。家。屈。竭。賦。歛。重。數。苛。
吏。奪。其。時。貪。夫。侵。其。財。百。姓。困。乏。疾。疫。天。命。盜。賊。群。

輩。且。以。萬。數。軍。行。衆。止。竊。號。自。立。攻。犯。京。師。燔。燒。縣。邑。至。乃。訛。言。積。弩。入。宮。宿。衛。驚。愚。自。漢。興。以。來。誠。未。有。也。國。家。微。弱。奸。謀。不。禁。六。極。之。效。危。於。累。卵。王。者。承。天。順。地。典。爵。主。刑。不。敢。以。天。官。私。其。宗。不。敢。以。天。罰。輕。其。親。陛。下。宜。遂。聖。明。之。德。昭。然。覺。悟。遠。述。帝。王。之。迹。近。尊。孝。文。之。業。差。五。品。之。屬。納。至。親。之。序。亟。遣。使。者。徵。中。山。太。后。置。之。別。宮。令。時。朝。見。又。召。馮。衛。二。族。裁。與。允。臧。使。得。執。戟。親。奉。宿。衛。以。防。未。然。之。符。以。抑。患。禍。之。端。上。安。社。稷。下。全。保。傅。內。和。親。戚。外。絕。邪。

西漢薦舉之文

魏無知薦陳平

高

臣所言者能也。陛下所問者行也。今有尾生孝已之行。而無益于勝負之數。陛下何暇用之乎。楚漢相距。臣進奇謀之士。顧其計成。足以利國家。不耳。且盜嫂受金。又何疑乎。

公孫弘請廣賢才議

武

弘賢良策
曰使遠近
情偽必見
於土謂之
術。弘常
云人主患

謹與太常臧博士平等議曰。聞三代之道。鄉里有教。夏曰校。殷曰序。周曰庠。其勸善也。顯之朝廷。其懲惡也。加之刑罰。故教化之行也。建首善自京師始。由內

不廣大人
臣患不節
餘觀此等
條議亦非
常記

所聞即漢
專經師也

及外今陛下昭至德開大明配天地本人倫勸學修
禮崇化厲賢以風四方太平之原也占者政教未洽
不備其禮請因舊官而興焉為博士官置弟子五十
人復其身太常擇民年十八已上儀狀端正者補博
士弟子郡國縣道邑有好文學敬長上肅政教順鄉
里出入不悖所聞者令相長丞上屬所二千石二千
石謹察可者當與計偕詣太常得受業如弟子一歲
皆輒試能通一藝以上補文學掌故缺其高第可以
為郎中者太常籍奏即有秀才異等輒以名聞其不
事學若下材及不能通一藝輒罷之而請諸下石者

易○計日○

易○計日○

世謹案詔書律令下者明天人分際通古今之義
文章爾雅訓辭深厚恩施甚美小吏淺聳不能究宣
無以明布諭下治禮次治掌故以文學禮義爲官遷
留滯請選擇其秩比二百石以上及吏百石通一藝
以上補左右內史大行卒史比百石已下補郡太守
卒史皆各二人邊郡一人先用誦多者若不足乃擇
掌故補中二千石屬文學掌故補郡屬備員請著功
令佗如律令

有司不舉孝廉罪議

古者諸侯貢士壹適謂之好德再適謂之賢賢三適

謂之有功乃加九錫不貢士壹則黜爵再則黜地三則黜爵地畢矣夫附下罔上者死附上罔下者刑與聞國政而無益於民者斥在上位而不能進賢者退此所以勸善黜惡也今詔書昭先帝聖緒令二千石舉孝廉所以化元元移風易俗也不舉孝不奉詔當能。卒。燕。其。人。必。燕。以。卒。燕。為。勝。任。以不敬論不察廉不勝任也當免

張敞自請治盜賊書

宣

臣聞忠孝之道退家則盡心於親進宣則竭力於君夫小國中君猶有奮不顧身之臣況於明天子乎今陛下遊意於太平勞精於政事安事疊疊不舍晝夜羣臣

有司宐各竭力致身山陽郡戶九萬三千口五十萬
以上訖計盜賊未得者七十七人它課諸亭亦略如
此臣敞愚駑旣無以佐思慮久處閒郡身遲樂而忘
國事非忠孝之節也伏葺膠東勃海左右郡歲數不
登盜賊並起至攻官寺篡囚徒搜市朝刼列侯吏失
綱紀奸軌不禁臣敞不敢愛身避死唯明詔之所處
願盡力摧挫其暴虐存撫其孤弱事卽有業所至郡
條奏其所由廢及所以興之狀

魏相請尊張安世封事

聖王褒有德以懷萬方顯有功以勸百僚是以朝廷

詳國家重
臣一議首
有冊免如
兄戲者

昭帝封詔
曰輔政宿
情肅敬不
息十有三
年或以康
寧封爲富
平侯

尊榮天下鄉風國家承祖宗之業制諸侯之重新失
大將軍宜宣章盛德以示天下顯明功臣以填藩國
毋空大位以塞爭權所以安社稷絕未萌也車騎將
軍安世事孝武皇帝三十餘年忠信謹厚勤勞政事
夙夜不怠與大將軍定策天下受其福國家重臣也
宜尊其位以爲大將軍毋令領光祿勲事使專精神
憂念天下思惟得失安世子延壽重厚可以爲光祿
勲領宿衛臣

蕭望之請選用諫臣疏

陛下哀愍百姓恐德化之不究悉出諫官以補郡吏

所謂憂其末而忘其本者也。朝亡爭臣，則不知過國。
亡達士，則不脊善。願陛下選明經術，溫故知新，通於
幾微，謀慮之士以爲內臣，與參政事。諸侯聞之，則知
國家納諫，憂政亡有闕遺。若此，不怠成康之道，其庶
幾乎外郡不治，豈足憂哉。

劉更生使人上事

元

竊聞故前將軍蕭望之等皆忠正，亡私欲，致大治，忤
於貴戚，尚書今道路人聞望之等復進以爲，且復見
毀讒，必曰嘗有過之，臣不宜復用。是大不然。臣聞春
秋地震，爲在位執政太盛也，不爲三獨夫動亦已明。

矣。且往者高皇帝時季布有臯。至於夷滅後赦以爲將軍。高后孝文之間卒爲名臣。孝武帝時倪寬有重臯。擊按道侯韓說諫曰。前吾丘壽王死。陛下至今恨之。今殺寬後將復大恨矣。上感其言。遂貰寬復用之位。至御史大夫。御史大夫未有及寬者也。又董仲舒坐私爲災異書。主父偃取奏之下吏罪。至不道。幸蒙不誅。復爲太中大夫。膠西相以老病免歸。漢有所欲興。常有詔問仲舒爲世儒宗。定議有益天下。孝宣皇帝時夏侯勝坐誹謗繫獄三年。免爲廩人。宣帝復用勝。至長信少府。太子太傅。名敢直言。天下美之。若乃

臣多此比類難一二記有過之臣亡負國家有益天下此四臣者足以觀矣。前弘恭奏望之等獄決三月地大震恭移病出後復視事天陰雨雪由是言之地動殆爲恭等臣愚以爲宜退恭顯以章蔽善之罰進望之等以通賢者之路如此太平之門開災異之原塞矣。

何武請建三公官奏

成

古者民樸事約國之輔佐必得賢聖然猶則天三光備三公官各有分職今末俗之弊政事煩多宰相之材不能及古而丞相獨兼三公之事所以久廢而不

治也。宜建三公官定卿大夫之任分職受政以考功
效。

杜業錄功臣後奏

昔唐以萬國致時雍之政虞夏以之多辟后饗共已
之治湯法三聖殷氏太平周封八百重譯來賀是以
內恕之君樂繼絕世隆名之主安立亡國至於不及
卜車德念深矣成王察牧野之克顧羣后之勤知其
恩結於民心功光於王府也故追述先父之志錄遺
老之策高其位大其寓愛敬飭盡命賜備厚大孝之
隆於是爲至及其後也世主歎其功亡民而不思所

息之樹且猶不伐況其廟乎是以燕齊之祀與周並傳子繼弟及歷載不墮豈亡刑辟繇祖之竭力故支庶賴焉迹漢功臣亦皆剖符世爵受山河之誓存以著其號亡以顯其魂賞亦不細矣百餘年間而襲封者盡或絕失姓或乏無主朽骨孤於墓苗裔流於道生爲愍諒死爲轉尸以往況今甚可悲傷聖朝憐閔詔求其後四方忻忻靡不歸心出入數年而不省察恐議者不思大義設言虛亡則厚德掩息遼東布章非所以視化勸後也三人爲衆雖難盡繼宜從尤功

陳湯上初陵封事

初陵京師之地。最爲肥美。可立一縣。天下民不徙諸陵三十餘歲矣。關東富人益衆多。規良田。役使貧民。可徙初陵以彊京師。衰弱諸侯。又使中家以下得均貧富。湯願與妻子家屬徙初陵爲天下先。

蕭育薦馮野王封事

野王行能。高妙內足。與圖身外足。以慮化竊惜。野王懷國之寶。而不得陪朝廷。與朝者並。野王前以王舅出。以賢復入。明國家樂進賢也。

何武薦辛慶忌封事

虞有宮之奇。晉獻不寐。衛青在位。淮南寢謀。故賢人

立朝折衝厭難勝於亡形。司馬法曰：天下雖安，亡戰必危。夫將不豫設，則亡以應卒士。不素厲，則難使死。敵是以先帝建列將之官，近戚主內，異姓距外，故奸軌不得萌動，而破滅誠萬世之長冊也。光祿勳慶忌行義修正，柔毅敦厚，謀慮深遠，前在邊郡，數破敵，獲慮外夷，莫不聳乃者，大異並見，未有其應，加以兵革久寢，春秋大災未至，而豫禦之慶忌安在？爪牙官以備不虞。

何武論傳喜書

喜行義修潔，忠誠憂國內，輔之臣也。今以寢病一旦

敘得生氣

遣歸衆庶失望皆曰傅氏賢子以論議不合於定陶太后故退百寮莫不爲國恨之忠臣社稷之衛魯以季友治亂楚以子玉輕重衛以無忌折衝項以范增存亡故楚跨有南土帶甲百萬鄰國不以爲難子玉爲將則文公側席而坐及其死也君臣相慶百萬之衆不如一賢故秦行千金以間廉頗漢散萬金以疏亞父喜立于朝陛下之光輝傅氏之廢興也

免喜策君輔政

出入三年未有昭然匡朕不逮而本朝大臣遂其如奸心咎由君焉

朱博復置御史大夫奏

帝王之道不必相襲各繇時務高皇帝以聖德受命

建立鴻業置御史大夫位次丞相典正法度以職相
參總領百官上下相監臨歷載二百年天下安寧今
更爲大司空與丞相同位未獲嘉祐故事選郡國守
相高第爲中二千石選中二千石爲御史大夫任職
者爲丞相位次有序所以尊聖德重國相也今中二
千石未更御史大夫而爲丞相權輕非所以重國政
也臣愚以爲大司空官可罷復置御史大夫遵秦舊
制臣願盡力以御史大夫爲百僚率

孔光舉尚書令成公敞奏

臣以朽材前比歷位典大職卒亡尺寸之效幸免罪

竊敝諸奏
反黜再出
矣故其慕
尚如此

誅全保首領今復拔擢備內朝臣與聞政事臣光智
謀淺短犬馬齒載誠恐一旦顛仆亡以報稱竊見國
家故事尚書以久次轉遷非有蹕絕之能不相踰越
尚書僕射敝公正勤職通敏於事可尚書令謹封上
西漢郡守相之文

張敞請勅長吏奏

宣

竊見丞相請與中二千石博士雜問郡縣上計長吏
守丞爲民興利除害成大化條其對有耕者讓畔男
女異路道不拾遺及舉孝子弟弟貞婦者爲一輩先
上殿舉而不知其人數者次之不爲條教者在後叩

丞相何處
躲閃

頭謝丞相雖口不言而心欲其爲之也長吏守丞對
時臣敞舍有鵲飛上丞相府屋上丞相以下見者
數百人邊吏多知鵲雀者問之皆陽不知丞相圖議
上奏曰臣聞上計長吏守丞以興化條皇天報下神
雀後知從臣敞舍來乃止郡國吏竊笑丞相仁厚有
知略微信奇怪也昔汲黯爲淮陽守辭去之官謂大
行李息曰御史大夫張湯懷詐阿意以傾朝廷公不
蚤白與俱受戮矣息畏湯終不敢言後湯誅敗上聞
黯與息語乃抵息罪而秩黯諸侯相取其思竭忠也
臣敞非敢毀丞相也誠恐羣臣莫白而長吏守丞畏

丞相指歸舍法令各爲私教務相增加澆淳散樸並
行。僞貌有名亡實傾搖解怠甚者爲妖假令京師先
行讓畔異路道不拾遺其實亡益廉貪貞淫之行而
以僞先天下固未可也卽諸侯先行之僞聲軼於京
師非細事也漢家承敝通變造起律令卽以勸善禁
奸條貫詳備不可復加宜令貴臣明飭長吏守丞歸
告二千石舉三老孝弟力田孝廉廉吏務得其人郡
事皆以義法令檢式毋得擅爲條教敢挾詐僞以好
名譽者必先受戮以正明好惡

舜封象於有鼻。死。不爲置後。以爲暴亂之人。不宜爲太祖海昏侯賀死。上當爲後者。子充國充國死。復上弟奉親奉親復死。是天絕之也。陛下聖仁於賀甚厚。雖舜於象亡以加也。宜以禮絕賀。以奉天意願。下治司議。

王尊告安定屬縣教

成

令長丞尉奉法守城。爲民父母。抑強扶弱。宣恩廣澤。甚勞苦矣。太守以今日至府。願諸君卿勉力正身。以率下。故行貪鄙能變更者。與爲治明慎所職。毋以身試法。

河平元年詔曰。大辟之刑。千有餘條。於以羅元元之民。天絕亡辜。豈不哀哉。宜恩廣澤。以是爲

王尊勅掾功曹教

各。自。底。厲。助。太。守。爲。治。其。不。中。用。趣。自。避。退。毋。久。妨。
賢。夫。羽。翮。不。修。則。不。可。以。致。千。里。闡。內。不。理。亡。以。整。
外。府。丞。悉。署。吏。行。能。分。別。白。之。賢。爲。上。毋。以。富。賈。人。
百。萬。不。足。與。計。事。昔。孔。子。治。魯。七。日。誅。少。正。卯。今。太。
守。視。事。已。一。月。矣。五。官。掾。張。輔。懷。虎。狼。之。心。貪。汙。不。
軌。一。郡。之。錢。盡。入。輔。家。然。適。足。以。葬。矣。今。將。輔。送。獄。
直。符。史。詣。閣。下。從。太。守。受。其。事。丞。戒。之。戒。之。相。隨。入。
獄。矣。

薛宣上成帝疏

陛下至德仁厚哀閔元元躬有日昃之勞而亡佚豫之樂允執聖道刑罰惟中然而嘉氣尚凝陰陽不和是臣下未稱而聖化獨有不洽者也臣竊伏思其一端殆吏多苛政政教煩碎大率咎在部刺史或不循守條職舉錯各以其意多與郡縣事至開私門聽讒佞以求吏民過失譴呵及細微責義不量力郡縣相迫促亦內相刺流至衆庶是故鄉黨闕於嘉賓之歡九族忘其親親之恩飲食周急之厚彌衰送往勞來之禮不行夫人道不通則陰陽否隔和氣不興未必

不由此也。詩云：民之失德，乾餱以愆。鄙語曰：苛政不親，煩苦傷恩。方刺史奏事時，宣明申勅，使昭然知本朝之要務。臣愚不知治道，唯明主察焉。鴻嘉四年詔關東流冗者衆，青幽冀部尤劇，朕甚痛焉。未聞在位有惻然者。○陽朔二年詔：先帝詔農薄其租稅，寵其強力，令與孝弟同科。其令二千石勉勸農桑，出入阡陌，致勞來之。

薛宣與楊湛書

吏民條言君如牒，或議以爲疑於主，守盜馮翊敬重令。又念十金法重，不忍相暴。章故客以手書相曉，欲君自圖進退，可復伸眉於後。卽亡其事，復封還記得。爲君分明之。

薛宣移櫟陽令謝游書

吏民言令治行煩苛。適罰作使。千人以上。賊取錢財。數十萬。給爲非法賣買。聽任富吏賈數。不可知。證驗以明白。欲遣吏者。按恐負舉者。耻辱儒士。故使掾平鑄。令孔子曰。陳力就列。不能者止。令詳思之。方調守。

薛宣勞勉薛恭尹賞書

昔孟公綽優於趙魏。而不宜滕。薛故或以德顯。或以功舉。君子之道焉。可誣也。屬縣各有賢君。馮翊垂拱。蒙成願勉。所職卒功業。

薛宣移池陽令

縣所舉廉吏獄掾王立家私受賕而立不知殺身以
自明立誠廉士甚可閔惜其以府決曹掾書立之板
以顯其魂

薛宣下賊曹掾張扶教

蓋禮賽和人道尚通日至吏以令休所繇來久曹雖
有公職事家亦望私恩意掾宜從衆歸對妻子設酒
肴請鄉里一咲相樂斯亦可矣

陳咸移郡長吏書

卽各欲求索自快是一郡百太守也何得然哉

朱博請復刺史奏

哀

漢家至德溥大宇內萬里立置郡縣部刺史奉使典
州督察郡國吏民安寧故事居部九歲舉爲守相其
有異才功效著者輒登擢秩卑而賞厚咸勸功樂進
前丞相方進奏罷刺史更置州牧秩準二千石位次
九卿九卿缺以高第補其中材則苟自守而已恐功
效陵夷奸軌不禁臣請罷州牧置刺史如故

王嘉薦公孫光等疏

臣聞聖王之功在於得人孔子曰材難不其然與故
繼世立諸侯象賢也雖不能盡賢天子爲擇臣立命
卿以輔之居是國也累世尊重然後士民之衆附焉

是以教化行而治功立。今之郡守重於古。諸侯往者。致選賢材。賢材難得。拔擢可用者。或起於囚徒。昔魏尚坐事繫。文帝感馮唐之言。遣使持節赦其罪。拜爲雲中太守。匈奴忌之。武帝擢韓安國於徒中。拜爲梁內史。骨肉以安。張敞爲京兆尹。有罪當免。黠吏知而犯敞。敞收殺之。其家自寃。使者覆獄。劾敞賊殺人。上逮捕不下。會免亡命數十日。宣帝徵敞。拜爲冀州刺史。卒獲其用。前世非私此三人。貪其材器。有益於公家也。孝文時。吏居官者。或長子孫。以官爲氏。倉氏庫氏。則倉庫吏之後也。其二千石長吏。亦安官樂職。然

閭閻客意
以促急對
名

後上下相望莫有苟且之意其後稍稍變易公卿以
下傳相促急又數改更政事司隸部刺史察過悉効
發揚陰私吏或居官數月而退送故迎新交錯道路
中材苟容求全下材懷危內顧壹切營私者多二千
石益輕賤吏民慢易之或持其微過增加成罪言於
刺史司隸或至上書章下衆庶知其易危小失意則
有離畔之心前山陽亡徒蘇令等從橫吏士臨難莫
肯伏節死義以守相威權素奪也孝成皇帝悔之下
詔書二千石不爲縱遣使者賜金尉厚其意誠以爲
國家有急取辦于二千石二千石尊重難危乃能使

下。孝。宣。皇。帝。愛。其。良。民。吏。有。章。効。事。留。中。會。赦。壹。解。
故。事。尚。書。希。下。章。爲。煩。擾。百。姓。證。驗。繫。治。或。死。獄。中。
章。文。必。有。敢。告。之。字。乃。下。惟。陛。下。留。神。於。擇。賢。記。善。
忘。過。容。忍。臣。子。勿。責。以。備。二。千。石。部。刺。史。三。輔。縣。令。
有。才。任。職。者。人。情。不。能。不。有。過。差。宜。可。潤。略。令。盡。力。
者。有。所。勸。此。方。今。急。務。國。家。之。利。也。前。蘇。令。發。欲。遣。
大。夫。使。逐。問。狀。皆。見。大。夫。亡。可。使。者。召。蓋。屋。令。尹。逢。
拜。爲。諫。大。夫。遣。之。今。諸。大。夫。有。材。能。者。甚。少。宜。豫。畜。
養。可。成。就。者。則。士。赴。難。不。愛。其。死。事。事。倉。卒。乃。求。非。
所。以。明。朝。廷。也。

西漢彈駁之文

張釋之論嗇夫

文

同超遷一
春而追
計以秦之
失真知大
夫絳侯東陽侯稱為長者此兩人言事曾不能出口
豈數此嗇夫謀謀利口捷給哉且秦以任刀筆之吏
吏爭以亟疾苛察相高然其敝徒文具耳無惻隱之
實以故不聞其過陵遲而至於二世天下土崩今陛
下以嗇夫口辯而超遷之臣恐天下隨風靡靡爭為
口辯而亡其寔且下之化上疾於景響舉錯不可不
審也

袁盎抑絳侯

絳侯所謂功臣非社稷臣社稷臣主在與在。主亡與
亡。方呂后時諸呂用事擅相王。劉氏不絕如帶。是皆
絳侯爲太尉本兵柄弗能正。呂后崩大臣相與誅諸
呂。太尉主兵適會其成功。所謂功臣非社稷臣。丞相
如有驕主色。陛下謙讓臣主失禮。竊爲陛下弗取也。

袁盎規文帝

臣聞千金之子坐不垂堂。百金之子不騎衡。聖主不
危而徼幸。今陛下騁六駢馳下峻山。如有馬驚車
敗。陛下縱自輕。奈高廟太后何。

丞相青翟劾趙錯奏

景

吳王反逆亡道欲危宗廟天下所當共誅今御史大夫錯議曰兵數百萬獨屬群臣不可信陛下不如自出臨兵使錯居守徐僮之旁吳所未下者可以予吳錯不稱陛下德信欲疏群臣百姓又欲以城邑予吳臣子禮大逆亡道錯當要斬父母妻子同產無少長皆棄市臣請論如法

公孫弘上邪吏疏

武

陛下有先聖之位而亡先聖之民有先聖之民而亡先聖之吏是以執同而治異先世之吏正故其民篤今世之吏邪故其民薄政弊而不行令倦而不聽夫

使邪吏行弊政用倦令治薄民不可得而化此治之
所以異也臣聞周公旦治天下期年而變三年而化
五年而定唯陛下之所志

汲黯欲爲中郎

臣自以爲填溝壑不復見陛下不意陛下復收用之
臣常有狗馬病力不能任郡事臣願爲中郎出入禁
闥補過拾遺臣之願也

汲黯諫太乙神馬歌

凡王者作樂上以承祖宗下以化兆民今陛下得馬
詩以爲歌協于宗廟先帝百姓豈能知其音耶

上默然不

說丞相公孫弘曰
歸誹謗聖制當族

汲黯責張湯

公爲正卿上不能褒先帝之功業下不能抑天下之
邪心安國富民使囹圄空虛二者亡一焉非苦就行
、慨、嘆、有、味、
放析就功何乃取高皇帝約束紛更之爲公以此亡
種矣又天下謂刀筆吏不可以爲公卿果然必湯也
令天下重足而立側目而視矣

汲黯諫妄誅

夫匈奴攻當路塞絕和親中國興兵誅之死傷者不
可勝計而費以巨萬百數臣愚以爲陛下得胡人皆

以爲奴婢以賜從軍死事者家所鹵獲因予之以謝
天下之苦塞百姓之心今縱不能渾邪率數萬之衆
來降虛府庫賞賜發良民侍養譬若奉驕子愚民安
知市買長安中物而文吏繩以爲闌出財物於邊關
乎陛下縱不能得匈奴之資以謝天下又以微文殺
亡知者五百餘人是所謂庇其葉而傷其枝者也臣
竊爲陛下不取也

汲黯使李息論張湯

黯棄若郡不得與朝廷議也然御史大夫張湯智足
以拒諫詐足以飾非務巧佞之語辯數之辭非肯正

第五卷
人第一

此談之微
中也最刺
人耳

爲天下言專阿主意主意所不欲因而毀之主意所欲因而譽之好興事舞文法內懷詐以御王心外挾賊吏以爲威重公列九卿不蚤言之公與之俱受其僂矣

武安譖魏其

天下幸而安樂無事蚡得爲肺腑所好音樂狗馬田宅蚡所愛倡優巧匠之屬不如魏其灌夫日夜招聚天下豪傑壯士與論議腹腴而心謗不仰視天而俯畫地辟倪兩宮間幸天下有變而欲有大功臣乃不如魏其等所爲

司馬相如諫獵書

臣聞物有同類而殊能者。故力稱烏獲。捷言慶忌。勇

期賁育。臣之愚竊以爲人誠有之獸。亦宜然。今陛下

好陵阻險。射猛獸。卒然遇軼材之獸。駭不存之地。犯

屬車之清塵。輿不及還。輶人不暇施巧。雖有烏獲逢

蒙之伎力。不得用。枯木朽株。盡爲難矣。是胡越起於

轂下。而羌夷接軫也。豈不殆哉。雖萬全無患。然本非

天子之所宜近也。且夫清道而後行。中路而後馳。猶

時有銜橛之變。而況涉乎蓬蒿。馳乎丘墳。前有利獸

之樂。而內無存變之意。其爲禍也不亦難矣。上

題意已盡。曼衍其說。

一轉入情此賦手也。

乘之重不以爲安而樂出於萬有一危之塗以爲娛
臣竊爲陛下不取也蓋明者遠見於未萌而智者避
危於亡形禍固多藏於隱微而發於人之所忽者也
故鄙諺曰家累千金坐不垂堂此言雖小可以喻大
臣願陛下之留意幸察

魏相上霍氏封事

宣

春秋譏世卿惡宋三世爲大夫及魯季孫之專權皆
危亂國家自後元以來祿去王室政繇冢宰今光死
子復爲大將軍兄子秉樞機昆弟諸壻據權執在兵
官光夫人顯及諸女皆通籍長信宮或夜詔門出入

驕奢放縱。恐寢不制。宜有以損奪其權。破散陰謀。以固萬世之基。全功臣之世。

張敞言霍氏封事

廣朝白登
顯於全安
不令明詔
日親至言

臣聞公子季友有功於魯。大夫趙衰有功於晉。大夫田完有功於齊。皆疇其官。邑延及子孫。終後田氏篡齊。趙氏分晉。季氏顓魯。故仲尼作春秋。迹盛衰。譏世卿。最甚乃者。大將軍決大計。安宗廟。定天下。功亦不細矣。夫周公七年耳。而大將軍二十歲。海內之命。斷於掌握。方其隆時。感動天地。侵迫陰陽。月朏日蝕。晝冥宵光。地大震裂。火生地中。天文失度。祲祥變怪。不

可勝記皆陰類盛長臣下顓制之所生也。朝臣宜有
明言曰。陛下褒寵故大將軍以報功德足矣。間貴輔
臣顓政貴戚太盛。君臣之分不明。請罷霍氏三侯。皆
就第。及衛將軍張安世宜賜几杖歸休。時存問召見
以列侯爲天子師。明詔以恩不聽。羣臣以義固爭而
後許。天下必以陛下爲不忘功德。而朝臣爲知禮。霍
氏戚世世亡所患。苦今朝廷不聞直聲而令明詔自親
其文。非策得之者也。今兩侯以出人情不相遠。以臣
心度之。大司馬及其枝屬必有畏懼之心。夫近臣自
危非完計也。臣敞願於廣朝白發其端。直守達郡其

路。由。夫。心。之。精。微。口。不。能。言。也。言。之。微。眇。書。不。能。文。也。故。伊。尹。五。就。桀。五。就。湯。蕭。相。國。薦。淮。陰。累。歲。乃。得。通。況。乎。千。里。之。外。因。書。文。諭。事。指。哉。惟。陛。下。省。察。

蕭望之駁取壽昌奏

故御史屬徐宮家可據在東萊言往年加海租魚不出長老皆言武帝時縣官嘗自漁海魚不出後復予民魚乃出夫陰陽之感物類相應萬事該盡然今壽昌欲近糴漕關內之穀築倉治船費直二萬萬餘有動衆之功恐生旱氣民被其災壽昌習于商功分銖之事其深計遠慮誠未足任宜且如故

諸葛豐謝上書

臣

聖邪

臣豐駑怯文不足以勸善武不足以執邪。陛下不量臣能否拜爲司隸校尉未有以自效復秩臣爲光祿大夫官尊責重非臣所當處也。又迫年歲衰暮常恐卒填溝渠亡以報厚德使議論士譏臣亡補長獲素餐之名故常願捐一旦之命不待時而斷奸臣之首縣於都市編書其辜使四方明知爲惡之罰然後却就斧鉞之誅誠臣所甘心也。夫以布衣之士尚猶有刎頸之交今以四海之大曾亡伏節死誼之臣率盡苟合取容阿黨相爲念私門之利忘國家之政邪穢。

語太過

濁。潤。之。氣。上。感。于。天。是。以。災。變。數。見。百。姓。困。乏。此。臣
下。不。忠。之。效。也。臣。誠。恥。之。亡。已。凡。人。情。莫。不。欲。安。存
而。惡。危。亡。然。忠。臣。直。士。不。避。患。害。者。誠。爲。君。也。今。陛
下。天。覆。地。載。物。亡。不。容。使。尚。書。令。堯。賜。臣。豐。書。曰。夫
司。隸。者。刺。舉。不。法。善。善。惡。惡。非。得。顯。之。也。勉。處。中。和。
順。經。術。意。恩。深。德。厚。臣。豐。頓。首。幸。甚。臣。竊。不。勝。憤。懣
願。賜。清。宴。唯。陛。下。裁。幸。
宋。光。元。年。免。豐。詔。不。內。省。諸。已。而。反。怨。堪。獨。以。求。報。舉。告。事。無。證。之。詞。暴。揚。難。驗。之。罪。毀。譽。恣。意。不。顧。前。言。

石顯治楊興賈捐之奏

典。捐。之。懷。詐。僞。以。上。語。相。風。更。相。薦。譽。欲。得。大。位。漏。

洩省中語。罔上不道。書曰：讒說殄行，震驚朕師。王制：順非而澤，不聽而誅。請論如法。

捐之。為楊興比於曾。顏閔仲舒廣漢汲直。

冠軍尹翁歸等甚可。姍鄙宜受此彈。

薛廣德諫獵書

竊見關東困極，人民流離。陛下日撞亡秦之鍾，聽鄭衛之樂。臣誠悼之。今士卒暴露，從官勞倦，願陛下亟反宮，思與百姓同憂樂。天下幸甚。

貢禹言風俗書

孝文皇帝時，貴廉潔，賤貪污。賈人贅婿及吏坐贓者，皆禁錮，不得為吏。賞善罰惡，不阿親戚。罪白者伏其

誅疑者以與民亡贖。臯之法故令行禁止海內大化。天下斷獄四百與刑錯亡。異武帝始臨天下尊賢用士。闢地廣境數千里自見功大威行遂從耆欲用度不足乃行一切之變使犯法者贖罪入穀者補吏是以天下奢移官亂民貧盜賊並起亡命者衆郡國恐伏其誅則擇便巧史書習於計簿能欺上府者以爲右職。奸軌不勝則取勇猛能操切百姓者以苛暴威服下者使居大位。故亡義而有財者顯於世欺謗而善書者尊於朝諄逆而勇猛者貴於官故俗皆曰何以孝弟爲財多而光榮何以禮義爲史書而仕宦何

以謹慎爲勇猛而臨官故黥劓而髡鉗者猶復攘臂
爲政於世行雖犬彘家富執足目指氣使是爲賢耳
故謂居官而置富者爲雄桀處奸而得利者爲壯士
兄勸其弟父勉其子俗之壞敗乃至於是察其所以
然者皆以犯法得贖臯求士不得真賢相守崇財利
誅不行之所致也今欲興至治致太平宜除贖罪之
無使入穀者補吏
法相守選舉不以實及有藏者輒行其誅亡但免官
則爭盡力爲善貴孝弟賤賈人進真賢實廉而天下
治矣孔子匹夫之人耳以樂道正身不解之故四海
之內天下之君微孔子之言亡所折中況乎以漢地

之廣陛下之德處南面之尊秉萬乘之權因天地之
助其於變世易俗調和陰陽陶冶萬物化正天下易
於決流抑隊自成康以來幾且千歲欲爲治者其衆
然而太平不復興者何也以其舍法度而任私意奢
侈行而仁義廢也陛下誠深念高祖之苦醇法太宗
之治選賢以自輔開進忠正致誅姦臣遠放調佞放
出園陵之女罷倡樂絕鄭聲去甲乙之帳退僞薄之
物修節儉之化驅天下之民皆歸於農如此不解則
三王可侔五帝可及唯陛下留意省察天下幸甚

臣聞人君莫不欲安然而常危莫不欲存然而常亡失御臣之術也夫大臣操權柄持國政未有不爲害者也昔晉有六卿齊有田崔衛有孫審魯有季孟常掌國事世執朝柄終後田氏取齊六卿分晉崔杼弑其君光孫林父甯殖出其君衍弑其君剽季氏八佾舞於庭三家者以雍徹並專國政卒逐昭公周大夫尹氏筦朝事濁亂王室子朝子猛更立連年乃定故經曰王室亂又曰尹氏殺王子克甚之也春秋舉成敗錄禍福如此類甚衆皆陰盛而陽微下失臣道之所致也故書曰臣之有作威作福害于而家凶于而

國孔子曰祿去公室政建大夫危亡之兆秦昭王舅穰侯及涇陽葉陽君專國擅執上假太后之威三人者權重於昭王家富於秦國國甚危殆賴寤范雎之言而秦復存二世委任趙高專權自恣壅蔽大臣終有閹樂望夷之禍秦遂以亡近事不達卽漢所代也

秦事結

漢興諸呂無道擅相尊王呂產呂祿席太后之寵據將相之位兼南北軍之衆擁梁趙王之尊驕盈亡厭欲危劉氏賴忠正大臣絳侯朱虛侯等竭誠盡節以誅滅之然後劉氏復安今王氏正一姓乘朱輪華轂者三十三人青紫貂蟬充盈惺內魚鱗左右大將軍秉

事用權五侯驕奢僭盛並作威福擊斷自恣行汙而
寄治身私而託公依東宮之尊假甥舅之親以爲威
重尚書九卿州牧郡守皆出其門筦執樞機朋黨比
周稱譽者登進忤恨者誅傷游談者助之說執政者
爲之言排擯宗室孤弱公族其有智能者尤非毀而
不進遠絕宗室之任不令得給事朝省恐其與已分
權數稱燕王益主以疑上心避諱呂霍而弗肯稱內
有管蔡之萌外假周公之論兄弟據重宗族磐互歷
上古至秦漢外戚僭貴未有如王氏者也雖周皇甫
秦穰侯漢武安呂霍上官之屬皆不及也物盛必有

非常之變先見爲其人徵象孝昭帝時冠石立於泰山仆柳起於上林而孝宣帝卽位今王氏先祖墳墓在濟南者其梓柱生枝葉扶疏上出屋根垂地中立石起柳亡以過此之明也事執不兩大王氏與劉氏亦且不並立如下有泰山之安則上有累卵之危規帝陛下爲人子孫主持宗廟而令國祚移於外戚降爲阜隸縱不爲身奈宗廟何婦人內夫家外父母家此規太后亦非皇太后之福也孝宣皇帝不與舅平昌樂昌侯權所以全安之也夫明者起福於亡形銷患於未然宜發明詔吐德音援近宗室親而納信黜遠外戚母

授以政皆罷令就第以則效先帝之所行厚安外戚
全其宗族誠東宮之意。外家之福也。王氏永存保其
爵祿。劉氏長安不失社稷。所以褒睦外內之姓。子子
孫孫無疆之計也。如不行此策。田氏復見於今。六卿
必起於漢。爲後嗣憂。昭昭甚明。不可不深圖。不可不
密慮。易曰。君不密則失臣。臣不密則失身。幾事不密
則害成。唯陛下深留聖思。審固幾密。覽往事之戒。以
折中取信。居萬安之實用。保宗廟久承皇太后天下
幸甚。梅福書方今見布衣乃窺國家之隙見問而起
者蜀郡是也反山陽亡徒蘇令之羣蹈籍名都
大郡求黨與索隨和而亡逃匿之意此皆輕量大臣
無所畏忌國家權輕故匹夫欲與上爭衡也又曰自

陽朔以來天下以言爲諱朝廷尤甚又曰王章非有反畔之辜而殃及家又曰漢興以來社稷三危呂霍上官皆母后之家也親親之道全之爲右

王尊劾丞相匡衡等奏

丞相衡御史大夫譚位三公典五常九德以總方略一統類廣教化美風俗爲職知中書謁者令顯等專權擅執大作威福縱恣不制亡所畏忌爲海內患害不以時白奏行罰而阿諛曲從附下罔上懷邪迷國亡大臣輔政之義皆不道在赦令前赦後衡譚舉奏顯不自陳不忠之臯而反揚著先帝任用傾覆之徒毀言百官畏之甚於主上卑君尊臣非所宜稱夫大

臣體又正月行幸曲臺臨饗罷衛士衡與中二千石大鴻臚賞等會坐殿門下。衡南鄉。賞等西鄉。衡更爲賞布東鄉。席起立延賞坐。私語如食頃。衡知行臨百官共職萬衆會聚而設不正之席。使下坐上相比爲小惠於公門之下。動不中禮。亂朝廷爵秩之位。衡又使官大奴入殿中問行起居。還言漏上十四刻。行臨到。衡安坐不變色。改容亡怵惕肅敬之心。驕慢不謹。皆不敬。

京房計行考功事

中書令石顯尚書令五鹿君相與合同巧佞之人也。

事縣官十餘年又丞相韋侯皆久亡補於民可謂亡
功矣此尤不欲行考功者也淮陽王卽朝見勸上行
考功事善不然但言丞相中書令任事久而不治可
休丞相以御史大夫鄭弘代之遷中書令置他官以
鉤盾令徐立代之如此房考功事得施行矣

譙玄諫專寵書

臣聞王者承天繼宗統極保業延祚莫急胤嗣故易
有幹蠱之義詩詠衆多之福今陛下聖嗣未立天下
屬望而不唯社稷之計專念微臣之事愛幸用于所
惑曲意留于非正禍聲后宮皇子產而不育臣聞之

怛然痛心傷剝竊懷憂國不忘須臾夫警衛不修則
患生非常忽有醉酒狂夫分爭道路旣亡尊嚴之儀
豈識上下之別此爲胡狄起于轂下而賊亂發于左
右也願陛下念天下之至重愛金玉之身均九女之
施存亡窮之福幸甚幸甚

谷永諫微行疏

易稱得臣無家言王者臣天下無私家也今陛下棄
萬乘之至貴樂家人之賤事猷高美之尊稱好匹夫
之卑字崇聚粟輕亡誼之人以爲私客置私田於民
間畜私奴車馬於北宮數去南面之尊離深宮之固

挺身獨與小人晨夜相隨。烏集醉飽。吏民之家。亂服
共坐。溷肴亡別。閔勉。邀樂。晝夜在路。典門戶奉宿衛
之臣。執干戈守空宮。公卿百寮。不知陛下所在。積數
年矣。昔號公爲亡道。有神降曰。賜爾土田。言將以庶
人受土田也。諸侯夢得土田。爲失國祥。而況王者畜
私田財物。爲庶人之事乎。復上災異疏三上封事。然後得召待詔。一旬然後得見。夫由疏賤納至忠甚苦。由至尊聞天意甚難。又曰。白氣起東方。賤人將興之表也。黃濁冒京師。王道微絕之應也。夫賤人當起而京師道微二者已隄。

梅福論王氏書

臣聞箕子佯狂於殷。而爲周陳。洪範叔孫遁遁秦歸。

漢制作儀品夫叔孫先非不忠也箕子非疏其家而
畔其親也不可爲言也昔高祖納善若不及從諫若
轉圜聽言不求其能舉功不考其素陳平起於亡命
而爲謀主韓信拔於行陳而建上將故天下之士雲
合歸漢爭進奇異知者竭其策愚者盡其慮勇士極
其節怯夫勉其死合天下之知并天下之威是以舉
秦如鴻毛取楚拾遺此高祖所以亡敵於天下也
孝文皇帝起於代谷非有周召之師伊呂之佐也循
高祖之法加以恭儉當此之昔天下幾乎繇是言之
循高祖之法則治不循則亂何者秦爲亡道削仲尼

之迹滅周公之軌壞井田除五等禮廢樂崩王道不通故欲行王道者莫能致其功也孝武皇帝好忠諫說至言出爵不待廉茂慶賜不須顯功是以天下布衣各厲志竭精以赴闕廷自衒鬻者不可勝數漢家得賢於此爲盛使孝武皇帝聽用其計升平可致於是積尸暴骨快心胡越故淮南王安緣間而起所以計慮不成而謀議泄者以衆賢聚於本朝故其大臣執陵不敢和從也方今布衣乃窺國家之隙見間而起者蜀郡是也及山陽亡徒蘇令之羣蹈積名都大郡求黨與索隨和而亡逃匿之意此皆輕量大臣亡

端緒開

所畏忌國家之權輕故匹夫欲與上爭衡也士者國
之重器得士則重失士則輕詩云濟濟多士文王以
寧廟堂之議非艸茅所當言也臣誠恐身塗野艸尸
并卒伍故數上書求見輒報罷臣聞齊桓之昔有以
九九見者桓公不逆欲以致大也今臣所言非特九
九也陛下距臣者三矣此天下士所以不至也昔秦
武王好力任鄙叩關自鬻繆公行伯繇余歸德今欲
致天下之士民有上書求見者輒使詣尚書問其所
言言可采取者秩以升斗之祿賜以一束之帛若此
則天下之士發憤懣吐忠言嘉謀日聞於上天下條

貫國家表裏爛然可睹矣。夫以四海之廣，士民之數，能言之類，至衆多也。然其儁傑指世陳政，言成文章，質之先聖而不繆，施之當世，合時務若此者，亦亡幾人。故爵祿束帛者，天下之底石。高祖所以厲世磨鈍也。孔子曰：「工欲善其事，必先利其器。」至秦則不然，張誹謗之罔，以爲漢殿除倒持秦阿授楚其柄。故誠能勿失其柄，天下雖有不順，莫敢觸其鋒。此孝武皇帝所以辟地建功爲漢世宗也。今不循伯者之道，廼欲以三代選舉之法，取當世之士，猶察伯樂之圖，求驥驥於市而不可得，亦已明矣。故高祖棄陳平之過而

獲其謀晉文召天王齊桓用其讐亡益於肯不顧逆
順此所謂伯道者也一色成體謂之醇白黑雜合謂
之駁欲以承平之法治暴秦之緒猶以鄉飲酒之禮
理軍市也今陛下既不納天下之言又加戮焉夫戴
鵠遭害則仁鳥增逝愚者蒙戮則智士深退間者愚
民上疏多觸不急之法或下廷尉而死者衆自陽朔
以來天下以言爲諱朝廷尤甚群臣皆承順上指莫
有執正何以明其然也取民所上書陛下之所善試
下之廷尉廷尉必曰非所宜言大不敬以此卜之一
矣故京兆尹王章資質忠直敢面引廷爭孝元皇帝

擢之以厲具臣而矯曲朝及至陛下戮及妻子且惡
惡止其身王章非有反畔之辜而殃及家折直士之
節結諫臣之舌群臣皆知其非然不敢爭天下以言
爲戒最國家之大患也願陛下循高祖之軌杜亡秦
之路數御十月之歌畱意亡逸之戒除不急之法下
亡諱之詔博覽兼聽謀及疏賤令深者不隱遠者不
塞所謂辟四門明四目也且不急之法誹謗之微者
也遲者不可及來者猶可追方今君命犯而主威奪
外戚之權日以益隆陛下不見其形願察其景建始
以來日食地震以率言之三倍春秋水災亡與此數

陰盛陽微金鑑爲飛此何景也漢興以來社稷三危
呂霍上官皆母后之家也親親之道全之爲右當與
之賢師良傅教以忠孝之道今乃尊寵其位授以魁
柄使之驕逆至於夷滅此失親親之大者也自霍光
之賢不能爲子孫慮故權臣易世則危書曰毋若火
始庸庸執陵於君權隆於主然後防之亦亡及已

解光劾趙昭儀奏

哀

孝元皇后
貶趙飛燕
詔曰姊弟
專寵錮竊
執賊亂之
謀殘滅繼

臣聞許美人及故中宮史曹官皆御幸孝成皇帝產
子子隱不見臣遣從事掾業史望驗問知狀者掖庭
獄丞籍武故中黃門王舜吳恭靳嚴官婢曹曉道房

嗣以危宗
廟詩天犯
祖蓋為無
人母之儀
又廢詔曰
恩之所不
能已者義
之所割也
今廢皇后
為庶人就
其國

張棄故趙昭儀御者于客子王偏臧兼等皆曰宮卽
曉子女前屬中宮為學事史通詩授皇后房與宮對
食元延元年中宮語房曰陛下幸宮後數月曉入殿
中見宮腹大問宮宮曰御幸有身其十月中宮乳掖
庭牛官令舍有婢六人中黃門田客持詔記盛綠綈
方底封御史中丞印予武曰取牛官令舍婦人新產
兒婢六人盡置暴室獄母問兒男女誰兒也武迎置
獄宮曰善藏我兒胞丞知是何等兒也後三日客持
詔記與武問兒死未手書對牘背武卽書對兒見在
未死有頃客出曰上與昭儀大怒奈何不殺武叩頭

啼曰不殺兒自知當死殺之亦死卽因客奏封事曰
陛下未有繼嗣子亡責賤惟畱意奏入客復持詔記
予武曰今夜漏上五刻持兒與舜會東交掖門武因
問客陛下得武書意如何曰惶也武以兒付舜舜受
詔內兒殿中爲擇乳母告善養兒且有賞母令漏泄
舜擇棄爲乳母時兒生八九日後三日客待持詔記
封如前予武中有封小綠篋記曰告武以篋中物書
予獄中婦人武自臨飲之武發篋中有裹藥二枚赫
蹠書曰告偉能努力飲此藥不可復入女自知之偉
能卽宮宮讀書已曰果也欲姊弟擅天下我兒男也

懷寧有史
班下及處
此大手筆
也

額上有壯髮類孝元皇帝今兒安在危殺之矣奈何。
令長信得聳之宮飲藥死。後宮婢六人召入出語武
曰昭儀言女無過寧自殺邪若外家也我曹言願自
殺卽自繆死武皆表奏狀棄所養兒十一日宮長李
南以詔書取兒去不知所置許美人前在上林涿涿
館數召入飾室中若舍一歲再三召畱數月或半歲
御幸元延二年襄子其十一月乳詔使嚴持乳醫及
王歲五種和藥丸三送美人所後客子偏兼關昭儀謂成
帝曰常給我言從中宮來卽從中宮來許美人兒何
從生邪許氏竟當復立邪懟以手自擣以頭擊壁戶

柱從床上自投地啼泣不甯食曰今當安置我欲歸耳帝曰今故告之反怒爲殊不可曉也帝亦不食昭儀曰陛下自知是不食謂何陛下常自言約不負女今美人有子竟負約謂何帝曰約以趙氏故不立許氏使天下亡出趙氏上者毋憂也後詔使嚴持綠囊書予許美人告嚴曰美人當有以予女受來置飾室中簾南美人以葦篋一合盛所生兒緘封及綠囊報書予嚴嚴持篋書置飾室簾南去帝與昭儀坐使客子解篋緘未已帝使客子偏兼皆出自閉戶獨與昭儀在須臾開戶嚀客子偏兼使緘封篋及綠綈方庭

推置屏風東恭受詔持篋方底予武皆封以御史中丞印曰告武篋中有死兒埋屏處勿令人知武穿獄樓垣下爲坎埋其中故長定許貴人及故成都平阿侯家婢王業任嬪公孫習前免爲庶人詔召入屬昭儀爲私婢成帝崩未幸梓宮倉卒悲哀之時昭儀自知罪惡大知業等故許氏王氏婢恐事泄而以大婢羊子等賜予業等各且十人以慰其意屬亡道我家過失元延二年五月故掖庭令吾丘遵謂武曰掖庭丞吏以下皆與昭儀合通亡可與語者獨欲與武有所言我亡子武有子是家輕族人得無不敢乎掖庭

中御幸生子者輒死。又飲藥傷墮者亡。數欲與武共言之。大臣栗騎將軍貪者。錢不足計事。奈何。令長信得。聿之。遵後病困。謂武。今我已死。前所語事。武獨不能爲也。慎語。皆在今年四月丙辰。赦令前臣謹案。求光三年。男子忠等。發長陵傅夫人冢。事更大。赦。孝元皇帝下詔曰。此朕不當所得。赦也。窮治盡伏辜。天下以爲當。魯嚴公夫人殺世子齊桓。召而誅焉。春秋予之。趙昭儀傾亂聖朝。親滅繼嗣。家屬當伏天誅。前平安剛侯夫人謁坐大逆。同產當坐。以蒙赦令。歸故郡。今昭儀所犯尤諱逆。罪重於謁。而同產親屬皆在尊。

貴之位。迫近帷幄。羣下寒心。非所以懲惡崇誼。示四方也。請事窮竟。丞相以下議正法。

解光劾王根王況奏

曲陽侯根宗重身尊三世據權五世秉政天下輻輳。自效恨行貪邪藏累鉅萬縱橫恣意大治室第第中。土山立兩市殿上赤墀戶青瑣遊觀射獵使奴從者。被甲持弓弩陳爲步兵止宿離宮水衡共張發民治。道百姓苦其役內懷奸邪欲筦朝政推親近吏主薄。張業以爲尚書蔽上壅下內塞王路外交藩臣驕奢。僭上褻亂制度按根骨肉至親社稷大臣先帝棄天。

下根不悲哀。思慕山陵未成。公聘取故掖庭女樂五
官。殷嚴王飛君等置酒歌舞。捐忘先帝厚恩。背臣子
義及根兄子成都侯況。幸得以外親繼父爲列侯。侍
中不思報厚恩。亦聘取故掖庭貴人以爲妻。皆亾人
臣禮。大不敬不道。

楊宣言王氏封事

孝成皇帝深惟宗廟之重。稱述陛下至德。以承天序。
聖策深遠。恩德至厚。惟念先帝之意。豈不欲以陛下
自代奉承東宮哉。太皇太后春秋七十數。更憂傷。勅
令親屬引領以避。丁傅行道之人。爲之隕涕。況於陛

欲得懷懷
憤憤

下時登高遠望獨不慙於延陵乎

杜業言王氏書

王氏世權日久朝臣骨鯁之臣宗室諸侯微弱與繫
寒心○獨止○
囚亡異自佐史以上至於大吏皆權臣之黨曲陽侯
根前爲三公輔政知趙昭儀殺皇子不輒白奏反與
趙氏比周恣意妄行譖愬故許后被加以非罪誅破
諸許族敗元帝外家內嫉妬同產兄弟紅陽侯立及
淳于氏皆老被放棄新喋血京師威權可畏高陽侯
薛宣有不養母之名安昌侯張禹姦人之雄惑亂朝
廷使先帝負謗於海內尤不可不慎陛下初卽位謙

讓未遑。孤獨特立。莫可據仗。權臣易世。意若探湯。宜蚤以義割恩。安百姓心。竊見朱博忠信勇猛材略。不世出。誠國家雄俊之寶臣也。宜徵博置左右。以填天下。此人在朝。則陛下可高枕而臥矣。昔諸呂欲危劉氏。賴有高祖遺臣周勃陳平尚存。不者。幾為奸臣笑。褒莽詔憂勞國家執義堅固真可哀也。

御史中丞衆等劾薛况奏

況朝臣父故宰相。再封列侯。不相敕丞佐。而骨肉相疑。疑咸受修言以謗毀宣。咸所言皆宣行迹。衆人所共見。公家所宜聞。況知咸給事中。恐為司隸舉奏。宣

而公令明等迫切宮闕。要遮創裁。近臣於大道人衆。
中欲以鬲塞聰明。杜絕論議之端。桀黠亡所畏忌。萬
衆譴譁。流聞四方。不與凡民忿怒爭鬪者同。臣聞敬
近臣。爲近主也。禮下公門。式路馬。君畜產。且猶敬之。
春秋之義。意惡功遂。不免於誅。上浸之源。不可長也。
況首爲惡。明手傷。功意俱惡。皆大不敬。明當以重論。
及況皆棄市。

劉歆移讓太常博士書

昔唐虞旣衰。而三代迭興。聖帝明王。累起相襲其道。
甚著周室旣微。而禮樂不正道之難全也。如此是故。

孔子憂道之不行歷國應聘自衛反魯然後樂正雅
頌乃得其所脩易序書制作春秋以紀帝王之道及
夫子沒而微言絕七十子終而大義乖重遭戰國棄
邊豆之禮埋軍旅之陳孔子之道抑而孫吳之術興
陵夷至於暴秦燔經書殺儒士設挾書之法行是古
之罪道術由是遂滅漢興去聖帝明王遐遠仲尼之
道又絕法度亡所因襲皆獨有一叔孫通略定禮儀
天下惟有易卜未有它書何、不、言、陸、賈、至孝惠之世乃除挾書之
律然公卿大臣絳灌之屬咸介胄武夫莫以爲意至
孝文皇帝始使掌故臯錯從伏生受尚書尚書初出

於屋壁朽折散絕。今其書見在。時師傳讀而已。詩如萌芽。天下衆書。往往頗出。皆諸子傳說。猶廣立於學官。爲置博士。在漢朝之儒。唯賈生而已。至孝武皇帝。然後鄒魯梁趙。頗有詩禮春秋先師。皆起於建元之間。當此之嘗。一人不能獨盡其經。或爲雅。或爲頌。相合而成。泰誓後得。博士集而讀之。故詔書稱曰禮壞樂崩。書缺簡脫。朕甚閔焉。昔漢興已七八十年。離於全經。固已遠矣。及魯恭王壞孔子宅。欲以爲宮。而得古文於壞壁之中。逸禮有三十九。書十六篇。天漢之後。孔安國獻之。遭巫蠱。名卒之難。未及施行。及春秋

左氏丘明所修皆古文舊書多者二十餘通藏於秘府伏而未發孝文皇帝閔學殘文缺稍離其真乃陳發祕藏校理舊文得此三事以考學官所傳經或脫簡傳或間編傳問民間則有魯國柏公趙國貫公膠東庸生之遺學與此同抑而未施此乃有識者之所惜閔士君子之所嗟痛也往者綴學之士不思廢絕之闕苟因陋就寡分文析字煩言碎辭學者罷老且不能究其一藝信口說而背傳記是未師而非往古至於國家將有大事若立辟雍封禪巡狩之儀則幽冥而莫知其原猶欲保殘守缺挾恐見破之私意而

亡○從○善○服○義○之○公○心○或○懷○妬○嫉○不○考○情○實○雷○同○相○從○
隨○聲○是○非○抑○此○三○學○以○尚○書○爲○備○謂○左○氏○爲○不○傳○春○
秋○豈○不○哀○哉○今○聖○上○德○通○神○明○繼○統○揚○業○亦○閔○文○學○
錯○亂○學○士○若○茲○雖○昭○其○情○猶○依○違○謙○讓○樂○與○士○君○子○
同○之○故○下○明○詔○試○左○氏○可○立○不○遣○近○臣○奉○旨○御○命○將○
以○輔○弼○扶○微○與○二○三○君○子○比○意○同○力○冀○得○廢○遺○今○則○
不○然○深○閉○固○距○而○不○肯○試○猥○以○不○諳○絕○之○欲○以○杜○塞○
餘○道○絕○滅○微○學○夫○可○與○樂○成○難○與○慮○始○此○廼○衆○庶○之○
所○爲○耳○非○所○望○士○君○子○也○且○此○數○家○之○事○皆○先○帝○所○
親○論○今○上○所○考○視○其○古○文○舊○書○皆○有○徵○驗○外○內○相○應○

豈苟而已哉夫禮失求之於堊古文不猶愈於堊乎
往者博士書有歐陽春秋公羊易則施孟然孝宣皇
帝猶廣立穀梁春秋梁丘易大小夏侯尚書義雖相
反猶並置之何則與其過而廢之也寧過而立之傳
曰文武之道未墜於地在人賢者識其大者不賢者
識其小者今此數家之言所以兼包大小之義豈可
偏絕哉若必專已守殘黨同門妬道真違明詔失聖
意以陷於文吏之議甚爲二三君子不取也

息夫躬詆公卿大臣疏

方今丞相王嘉健而畜縮不可用御史大夫賈延壽

近世以來
效之者不
少

弱不任職左將軍公孫祿司隸鮑宣皆外有直項之
名內實駭不曉政事諸曹以下僕遼不足數卒有疆
弩圍城長戟指闕陛下誰與備之如使狂夫噪諱於
東崖匈奴飲馬於渭水邊境雷動四野風起京師雖
有武蠡精兵未有能窺左足而先應者也軍書交馳
而輻湊羽檄重跡而狎至小夫懷臣之徒憤耗不知
所爲其有犬馬之決者仰藥而伏刃雖加夷滅之誅
何益禍敗之至哉

毋將隆請收武庫兵奏

武庫兵器天下公用國家武備庫治造作皆度大司

光隆詔以
產前布安
國之言左
遷爲沛國
郡都尉

農錢大司農錢自乘輿不以給共養共養勞賜壹出
少府蓋不以本藏給未用不以民力共浮費別公私
示正路也古者諸侯方伯得顯征伐廼賜斧鉞漢家
邊吏職在距寇亦賜武庫兵皆任其事然後蒙之春
秋之誼家不藏甲所以抑臣威損私力也今賢等便
僻弄臣私恩微妾而以天下公用給其私門契國威
器共其家備民力分於弄臣武兵設於微妾建立非
宜以廣驕僭非所以示四方也孔子曰奚取於三家
之堂臣請收還武庫

鮑宣諫哀帝書

竊見孝成皇帝時外親持權人人牽引所私以充塞
朝廷妨賢人路濁亂天下奢泰亡度窮困百姓是以
日食且十彗星四起危亡之徵陛下所親見也今奈
何反覆劇於前乎朝臣亡有大儒骨鯁白首耆艾魁
壘之士論議通古主意一獎今喟然動衆心憂國如飢渴者臣

未見也敦外親小童及幸臣董賢等在公門省戶下
陛下欲與此共承天地安海內甚難今世俗謂不智
者爲能謂智者爲不能昔堯放四罪而天下服今除
一吏而衆皆惑古刑人尚服今賞人反惑請寄爲姦
群小日進國家空虛用度不足民流亡去城郭盜賊

並起吏爲殘賊歲增於前凡民有七亡陰陽不和水
旱爲災一亡也縣官重責更賦租稅二亡也貪吏並
公受取不已三亡也豪强大姓蠶食亡厭四亡也苛
吏繇役失農桑時五亡也部落鼓鳴男女遮迺六亡
也盜賊劫略取民財物七亡也七亡尚可又有七死
酷吏毆殺一死也治獄深刻二死也冤陷亡辜三死
也盜賊橫發四死也怨讎相殘五死也歲惡飢餓六
死也皆氣疾疫七死也民有七亡而亡一得欲望國
安誠難民有七死而亡一生欲望刑措誠難此非公
卿守相貪殘成化之所致邪群臣幸得居尊官食重

祿豈有肯加惻隱於細民助陛下流教化者邪志但
在營私家稱賓客爲姦利而已以苟容曲從爲賢以
拱默尸祿爲智謂如臣宜等爲愚陛下擢臣巖穴誠
冀有益毫毛豈徒欲使臣美食大官重高門之地哉
天下乃皇天之天下也陛下上爲皇天子下爲黎庶
父母爲天牧養元元親之當如一合尸鳩之詩今貧
民菜食不厭衣又穿空父子夫婦不能相保誠可爲
酸鼻陛下不救將安所歸命乎主○意○再○喚○奈何獨私養外親與
幸臣董賢多賞賜以鉅萬數使奴從賓客漿酒霍肉
倉頭廬兒皆用致富非天意也及汝昌侯傅商亡功

而封夫官爵非陛下之官爵乃天下之官爵也陛下
取非其官官非其人而望天說民服豈不難哉方陽
侯孫寵宜陵侯息夫躬辯足以移衆彊可用獨立奸
人之雄惑世尤劇者也宜以時罷退及外親幼童未
通經術者皆宜令休就師傅急徵故大司馬傅喜使
領外親故大司空何武師丹故丞相孔光故左將軍
彭宣經皆更博士位皆歷三公智謀威信可與建教
化圖安危龔勝爲司直郡國皆慎選舉三輔委輸官
不敢爲奸可大委任也陛下前以小不忍退武等海
內失望陛下尚能容亡功德者甚衆曾不能忍武等

邪。治天下者當用天下之心爲心。不得自專快意而
已也。上之皇天。見譴下之黎庶。怨恨次有諫爭之臣。
陛下苟欲自薄而厚惡臣。天下猶不聽也。臣雖愚戇。
獨不知多受祿賜美食大官。廣田宅厚妻子。不與惡
人結仇怨。以安身邪。誠迫大義。官以諫爭爲職。不敢
不竭愚。惟陛下少留神明。覽五經之文。原聖人之至
意。深思天地之戒。臣宣喎鈍於辭。不勝惓惓盡死節
而已。

鮑宣論董賢書

陛下父事天。母事地。子養黎民。卽位已來。父虧明母。

此詔書也
又賜大司
馬大將軍
天下之衆
受制於朕
以將爲命
以兵爲威
可不慎歟

震動于訛言相驚恐今日蝕於三始誠可畏懼小民
正月朔日尙恐毀敗器物何況於日虧乎陛下深內
自責避正殿舉直言求過失罷退外親及旁近素餐
之人徵拜孔光爲光祿大夫發覺孫寵息夫躬過惡
免官遣就國衆庶歎然莫不說喜天人同心人心說
則天意解矣乃二月丙戌白虹蜺日連陰不雨此天
有憂結未解民有怨望未塞者也侍中駙馬都尉董
賢本亡葭莩之親但以令色諛言自進賞賜亡度竭
盡府藏并合三第尚以爲小復壞暴室賢父子坐使
天子使者將作治第行夜吏卒皆得賞賜上冢有會

輒大官爲供海內貢獻當養一君今反盡之賢家豈
天意與民意邪天不可久負厚之如此反所以害之
也誠欲哀賢宜爲謝過天地解讐海內免遺就國收
乘輿器物還之縣官如此可以父子終其性命不者
海內之所仇未有得久安者也孫寵息夫躬不宜居
國可皆免以視天下復徵何武師丹彭宣傳喜曠然
使民易視以應天心建立大政以興太平之端高門
去省戶數十步求見出入二年未省欲使海濱仄陋
自通達矣願賜數刻之間極竭毫毫之思退入三泉
死無所恨

王嘉上董賢封

竊見董賢等三人始賜爵衆庶匈匈咸曰賢貴其餘
并蒙恩至今流言未解陛下仁恩於賢等不已宜暴
賢等本奏語言延問公卿大夫博士議郎考合古今
明正其義然後乃加爵土不然恐大失衆心海內引
領而議暴平其事必有言當封者在陛下所從天下
雖不說咎有所分不獨在陛下前定陵侯淳于長初
封其事亦議大司農谷永以長當封衆人歸咎於永
先帝不獨蒙其譏臣嘉臣廷材驚不稱死有餘責知
順指不迂可得容身須臾所以不敢者恩報厚恩也

王嘉論董賢封事

臣聞咎繇戒帝舜曰亡敖佚欲有國兢兢業業一日
二日萬幾箕子戒武王曰臣亡有作威作福亡有玉
食臣之有作威作福玉食害于而家凶于而國人用
側頗辟民用僭慝言如此則逆尊卑之序亂陰陽之
統而害及王者其國極危國人傾仄不正民用僭差
不壹此君不由法度上下失序之敗也武王躬履此
道隆至成康自是以後縱心恣欲法度陵遲至於臣
弑君子弑父父子至親失禮患生何況異姓之臣孔
子曰道千乘之國敬事而信節用而愛人使民以時

孝文皇帝備行此道。海內蒙恩。爲漢太宗。孝宣皇帝賞罰信明。施與有節。記人之功。忽於小過。以致治平。孝元皇帝奉承大業。溫恭少欲。都內錢四十萬萬。水衡錢二十五萬萬。少府錢十八萬萬。嘗幸上林後宮。馮貴人從臨獸圈。猛獸驚出。貴人前當之。元帝嘉美其義。賜錢五萬。掖庭見親有加。賞賜屬其人。勿衆謝。示平惡。偏重失人心。賞賜節約。是時外戚貲千萬者。少耳。故少府水衡見錢多也。雖遭初元末光凶年。飢饉加有西羌之變。外奉師旅。內振貧民。終亡傾危之憂。以府藏內充實也。孝成皇帝時。諫臣多言煎出之。

東方
上林
何

害及女寵專愛耽於酒色損德傷年其言甚切然終
不怨怒也。寵臣淳于長張放史育育數貶退家貲不
滿千萬。放斥逐就國。長撈死於獄。不以私愛害公義。
故雖多內譏。朝廷安平。傳業陛下。陛下在國之肯好
詩書上儉節。徵來所過道上。稱誦德美。此天下所以
回心也。初卽位。易帷帳。去錦繡。乘輿席緣。綈繒而已。
共王寢廟比比當作憂閔。元元惟用度不足以義割。
恩輒且止息。今始作治。而駙馬都尉董賢亦起官寺。
上林中又爲賢治大第。開門鄉北闕。引玉渠灌園池。
使者護作。賞賜吏卒甚於治宗廟。賢毋病。長安厨給。

祠具道中過者皆飲食爲賢治器器成奏御迺行或
物好特賜其工自貢獻宗廟三宮猶不至此賢家有
賓婚及見親諸官並共賜及倉頭奴婢人十萬錢使
者護視發取市物百賈震動道路謹譁羣臣惶惑詔
書罷苑而以賜賢二千餘頃均田之制從此墮壞奢
僭放縱變亂陰陽災異衆多百姓訛言持籌相驚被
髮徒跣而走乘馬者馳天惑共意不能自止或以爲
籌者策失之戒也陛下素仁智慎事今而有此大譏
孔子曰危而不持顛而不扶則將安用彼相矣臣嘉
幸得備位竊內悲傷不能通愚忠之信身死有益於

國不敢自惜唯陛下慎已之所獨鄉察衆人之所共
疑。遣者寵臣鄧通韓嫣嬌貴失度逸豫亡厭小人不
勝情欲卒陷辜辜亂國亡軀不終其祿所謂愛之適
足以害之者也。宜深覽前世以節賢寵全安其命。

鄧惲請王莽歸漢神器書

平

臣聞天地重其人惜其物故運璣衡垂日月含元包
一甄陶品類顯表紀世圖錄豫設漢歷久長孔爲赤
制不使愚惑殘人亂時智者順以成德愚者逆以取
害神器有命不可虛獲上天垂戒欲悟陛下令就臣
位轉禍爲福劉氏享天永命陛下順節盛衰取之以

天選之以天可謂知命矣若不蚤圖是不免于竊位也。且堯舜不以天顯自與。故禪天下陛下。陛下何貪非天顯以自累也。天爲陛下嚴父。臣爲陛下孝子。父教不可廢。子諫不可拒。惟陛下留神。

陳崇劾陳遵奏

遵兄弟幸得蒙恩超等歷位遵爵列侯備郡守級州牧奉使皆以舉直察枉宣揚聖化爲職。不正身自慎始遵初除乘藩車入閭巷過寡婦左阿君置酒誨謳。遵起舞跳梁頓仆坐上暮因留宿爲侍婢扶臥。遵知飲酒飫宴有節禮不入寡婦之門而湛酒溷肴亂男。

女之別。輕辱爵位。羞汗印。鞞惡不可忍。聞臣請。比皆免

西漢乞休之文

石慶乞骸骨書

武

慶幸得待。臯丞相罷。驚亡以輔。治城郭。倉庫空虛。民多流亡。罪當伏斧質。上不忍致法。願歸丞相侯印。乞骸骨歸避賢者路。

彭宣乞骸骨上書

平

三公鼎足。承君一足。不任則覆。亂美實。臣資性淺薄。

年齒老耄。數伏疾病。昏亂遺忘。願上大司空長平侯。

印綬。乞骸骨歸鄉里。埃寘溝壑。

免冊紛紛而賜孔光

幾入省中用杖賜餐十七物錄公終
弘后詔則日內自克約而外從制

馬宮避位上書

臣前議定陶共王母謚希指雷同詭經僻說以惑誤
主上為臣不忠幸蒙酒心自新誠亡顏復望闕庭亡
心復居官府亡宜復食國邑願上太師大司徒扶德
侯印綬避賢者路免孔光策君前為御史大夫輔翼
先帝出入八年卒無忠言嘉謀今
相脫出入三年憂國之風復無
聞焉然則安得不踉蹌以去

西漢理財之文

鼂錯論貴粟書

文

聖王在上而民不凍飢者非能耕而食之織而衣之

也爲開其資財之道也故堯禹有九年之水湯有七
年之旱而國亡捐瘠者以畜積多而備先具也今海
內爲一土地人民之衆不避湯禹加以亡天災數年
之水旱而畜積未及者何也地有餘利民有餘力生
穀之土未盡墾山澤之利未盡出也游食之民未盡
歸農也民貧則奸邪生貧生於不足不足生於不農
不農則不地著不地著則離鄉輕家民如鳥獸雖有
高城深池嚴法重刑猶不能禁也夫寒之於衣不待
輕煖飢之於食不待甘旨飢寒至身不顧廉恥人情
一日不再食則飢終歲不製衣則寒夫腹飢不得食

王意重要
得此一振

川寒不得衣。雖慈母不能保其子。君安能以有其民。
哉。明主知其然也。故務民於農桑。薄賦歛。廣畜積。以
實倉廩。備水旱。故民可得而有也。民者在上。所以牧
之。趨利如水走下。四方亡擇也。夫珠玉金銀。飢不可
食。寒不可衣。然而衆貴之者。以上用之故也。其爲物
輕微易藏。在於把握。可以周海內。而亾飢寒之患。此
令臣輕背其主。而民易去其鄉。盜賊有所勸。亡逃者
得輕資也。粟米布帛。生於地。長於畝。聚於力。非可一
日成也。數石之重。中人弗勝。不爲奸邪所利。一日弗
得。而飢寒至。是故明君貴五穀而賤金玉。今農夫五

耨農夫病
說一過以
以而商費
三字度下
似收似提
似開似鑽

明農夫

口之家其服役者不下二人其能耕者不過百畝百
畝之收不過百石春耕夏耘秋獲冬藏伐薪樵治官
府給繇役春不得避風塵夏不得避暑熱秋不得避
陰雨冬不得避寒凍四時之間亡日休息又私自送
往迎來弔死問疾養孤長幼在其中勤苦如此尚復
被水旱之災急政暴虐賦歛不省朝令而暮改當其
有者半賈而賣亡者取倍稱之息於是有賣田宅鬻
子孫以償債者矣而商賈大者積貯倍息小者坐列
販賣操其奇贏日游都市乘上之急所賣必倍故其
男不耕耘女不蠶織衣必文采食必梁肉亡農夫之

苦有阡陌之得因其富厚交通王侯力過吏執以利
相傾千里游敖冠蓋相望乘堅策肥履絲曳縞此商
人所以兼并農人農人所以流亡者也今法律賤商
人商人已富貴矣尊農夫農夫已貧賤矣故俗之所
貴主之所賤也吏之所卑法之所尊也上下相反好
惡乖迕而欲國富法立不可得也方今之務莫若使
民務農而已矣欲民務農在於貴粟貴粟之道在於
使民以粟爲賞罰今募天下入粟縣官得以拜爵得
以除罪如此富人有爵農民有錢粟有所漂夫能入
粟以受爵皆有餘者也取於有餘以供上用則貧民

主商賈
在於此
今收而收

之賦可損。所謂損有餘補不足。令出而民利者也。順
於民心所補者三。一曰主用足。二曰民賦少。三曰勸
農功。今令民有車騎馬一匹者復卒三人。車騎者天
下武備也。故爲復卒。神農之教曰有石城十仞。湯池
百步。帶甲百萬而亡粟弗能守也。以是觀之。粟者王
者大用。政之本務。令民入粟受爵。至五大夫以上。廼
復一人耳。此其與騎馬之功相去遠矣。爵者上之所
擅出於口。而亡窮粟者。民之所種生於地而不乏。夫
得高爵於免皐人之所甚欲也。使天下人人入粟於邊
以受爵。免罪不過三歲。塞下之戍必多矣。

鼂錯入粟免租奏

陛下幸使天下入粟塞下以拜爵甚大惠也竊恐塞卒之食不足用大滌天下粟邊食足以支五歲可令入粟郡縣矣足支一歲以上可肯赦勿收農民租如此德澤加於萬民民愈勤農時有軍役若遭水旱民不困乏天下安寧歲孰且美則民大富樂矣

汲黯矯詔發倉還報奏

國

家人失火屋比延燒不足憂臣過河內河內貧人傷水旱萬餘家或父子相食臣謹以便宜持節發河內倉粟以賑貧民請歸節伏矯制罪

魏相條國家便宜奏

臣聞明主在上賢輔在下則君安虞而民和睦臣相

幸得備位不能奉明法廣教化理四方以宣聖德民

○此○真○相○輔○之○耿○

多背本趨末或有飢寒之色爲陛下之憂臣相罪當

○條○便○之○以○此○

萬死臣相知能淺薄不明國家大體時用之宜惟民

終始未得所繇竊伏觀先帝聖德仁恩之厚勤勞天

下垂意黎庶憂水患之災爲民貧窮發倉廩振乏餒

遣諫大夫博士巡行天下察風俗舉賢良平冤獄冠

蓋交道省諸用寬租賦弛山澤陂池禁株馬酤酒貯

積所以周急繼困慰安元元便利百姓之道其備臣

月令奏
曰明王謹
於尊天慎
於養人又
曰天子之
義必純取
法天地而
歸於先聖

相不能悉陳昧死奏故事詔書凡二十三事臣謹案
王法必本於農而務積聚量入制用以備凶灾亡六
年之畜尚謂之急元鼎三年平原勃海太山東郡薄
被災害民飢死於道路二千石不豫慮其難使至於
是○二○災○事○
此賴明詔振捄乃得蒙更生今歲不登穀暴騰踴臨
秋收歛猶有乏者至春恐甚亡以相恤西羌未平師
旅在外兵革相乘臣竊寒心宜密圖其備唯陛下留
神元元帥繇先帝盛德以撫海內

貢禹言錢幣書

元

古者不以金錢爲幣專意於農故一夫不耕必有受

其飢者。今漢家鑄錢及諸鐵官。皆置吏卒。徒攻山取銅鐵。一歲功十萬人。已上中農食七人。是七十萬人常受其飢也。鑿地數百丈。銷陰氣之精。地藏空虛。不能含氣出雲。斬伐林木。亡有時禁。水旱之災。未必不繇此也。自五銖錢起以來。七十餘年。民坐盜鑄錢被刑者衆。富人積錢滿室。猶亡厭足。民心動搖。商賈求利。東西南北。各用智巧。好衣美食。歲有十二之利。而不出稅租。農夫父子。暴露中野。不避寒暑。捋少杷土。手足胼胝。已奉穀租。又出橐稅。鄉部私求。不可勝供。故民棄本。逐末耕者。不能半。貧民雖賜之田。猶賤賣。

以賈窮則起爲盜賊何者末利深而惑於錢也是以
奸邪不可禁其原皆起於錢也疾其末者絕其本宜
罷采珠玉金銀鑄錢之官亡復以爲幣市井勿得販
賣除其租銖之律租稅祿賜皆以布帛及穀使百姓
壹歸於農復古通便

貢禹言賦筭書

元

古民亡賦筭口錢起武帝征伐四夷重賦於民民產
子三歲則出口錢故民重困至於生子輒殺甚可悲
痛宜令兒七歲去齒乃出口錢年二十乃筭上節儉
疏齊三
服宮作工各數千人蜀廢漢主金銀器各用五百萬
三工官官費五十萬東西織室亦然廢馬食粟將萬

匹東宮杯案盡文畫金銀飾又曰諸陵園女亡子者
宜悉遣獨杜陵官人數百誠可哀憐也皆苦言至乞
骸骨疏臣有田百三十畝陛下徵臣臣賣田
百畝以供車馬臣清惟恐人不知太汲汲乎

師丹建言井田議

園

古之聖王莫不設井田然後治乃可平孝文皇帝承
亡周亂秦兵革之後天下空虛故務勸農桑帥以節
儉民始充實未有并兼之害故不爲民田及奴婢爲
限今累世承平豪富吏民訾數鉅萬而貧弱愈困蓋
君子爲政貴因循而重改作然所以有改者將以救
急也亦未可詳宜略爲限



